



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Qvod Ivdæi Messiam, Qvi uenit, ceu uenturum, temere
expectent**

Samuel <Marochitanus>

Argentorati

VD16 S 1561

Capvt .XII. De Christi ascensione.

urn:nbn:de:hbz:466:1-36159

V E R I M E S S I A E

aliquo Prophetarum dicitur q̄ sit saluator iustus & sine peccato, quia Moyses peccauit, & omnes Prophetae peccauerūt, sicut uos scitis, domine mi. Et idcirco nullus eorū uocatur iustus in scriptura, sed illud nomen isti soli seruetur, Et sine dubio, non saluatur, nisi hij, qui credūt primū aduentum suū, & illi qui nō credūt nō habent causam aliā q̄ saluetur in secūdo aduētū eius, sed digni sunt morte, quia digni erāt morte illi qui non credebant Moysi, & non obediebāt ei qui fuit peccator, quātomagis digni sunt igne illi qui non credunt, & blasphemant istum iustū & dominū qui Peccatū nesciuit unquā. Quicquid tamē eueniat Dei sumus nos.

CAPVT. XII.

De Christi ascensione.

Domine mi, nos inuenimus ī scripturis q̄ Christus exaltabitur de terra ad coelū, & ego timeo q̄ illud sit completum in isto qui fuit iterfectus à patribus nostris, et de ista exaltatiōe dicit Dauid Propheta in Psal. xxiiij. O magnates aperite portas principatus uestri, & eleuamini portae aeternales, & introibit princeps glorie. Et attende domine, q̄, respondēt illi angeli. Quis est iste princeps glorie? & ipse respōdet illis. Dominus uirtutū fortis in proelio. Et cōstat, domine mi, q̄ iustus iste dominus uirtuū nō habuit proeliū nisi in primo aduentu suo, quia quādo sedebit ad iudicandū, ignis in circuitu eius exardescet, & inflāmabit in circuitu inimicos eius, & conflabit iustos per ignem quasi argentum. Et hoc in ultimo
eius

P A R A S T A S I S.

eius aduentu. Nullus autem preliabitur contra illum, nec locus erit pugne. Adhuc de iusti huius exaltatione dicit Esai. capi. lxiij. Quis est iste qui uenit de Edom de terra, rubens uestimentis eius de Bosra, sicut ille formosus in stola & respondet hijs iustus iste. Ego qui loquor iustitiam, sum expugnator ad saluationem, & dicunt ei angeli. O domine quare rubrum est uestimentum tuum sicut calcatis torcular? Respondet, dicens illis. Torcular calcavi solus, & non erat uir mecum. Vide domine mi, quam proprie loquitur Esaias, & timeo quod huius iusti responsio non tangat nisi nos, cum dicit. Calcavi eos in ira mea, donec aspersus est sanguis eorum super indumenta mea, & inquinata sunt omnia uestimenta mea. Sed dies ultionis in corde meo, & annus retributionis mee uenit. Quantum ergo sperare possumus in iusto isto, domine mi, ubi scimus ipsum de nobis angelis fuisse conquestum in celo, & notificauit eis quod ipse calcauerit torcular solus. Et quid aliud calcauit in ira sua nisi nos, qui post bellum quod habuit in primo aduentu suo, prostrati sumus ab eo, & calcati, iam sunt mille anni, & adhuc restat dies ultionis in ultimo eius aduentu, & annus retributionis in corde suo. Utinam domine mi, quando interfecimus Esaiam deleuissemus istam auctoritatem predictam de prophetia sua, quod nunquam legeretur ab aliquo. Et ecce quod David uocat bellum, cum dicit, Dominus uirtutum fortis in bello. Hoc Esaias uocat torcular. Hec domine mi, nos bibimus mustum illud, de quo etiam dicit Iacob Patriarcha & Propheeta, ut habetur in libro generationis creaturarum cap. xlix. de

V E R I M E S S I A E

Juda. Lauauit stolam in sanguine .s. uuae, sicut est factū in nobis in primo aduentu Messiae, sed quid faciemus in aduētu eius ultimo, quando stabunt homines coram homine iudicante, & in circuitu eius erit ignis paratus ad deuorandū illos, cōtra quos tulerit sententiā. Tunc enī nō erit tēpus belli, nec iam in torculari calcabitur, quia iam extunc non erit locus nec tempus penitendi nec refugij, sed iustitia, ut sicut ipse iudicatus fuit sine peccato quod inueniretur in eo, sic ipse iudicabit peccatores. Dicit enim Deus in prophetia Salomonis Prouerbiorū duodeccimo. Quādo iustus recipiet iudicium, ubi erit impius & peccator? Vnde si iustus uix saluabitur, quid erit tunc de impio?

CAPVT .XIII.

Adhuc fortius probat corporalē ascensionē Christi.

Valde timeo, domine mi, quod haec quae dicta sunt testimonia prophetarum de illo iusto. Quod scilicet fuit uenditus pro argēto, ut dicit Amos propheta. Quod calcauit torcular, ut dicit Esaias. Quod gessit bellū cū patribus nostris, sicut dicit Dauid. Quod captus fuerit ī peccatis nostris, sicut dicit Hie. Quod uulneratus fuerit in palmis suis, sicut dicit Zacha. Quod super eius uestem missae sunt sortes, sicut dicit Dauid. Quod ascēdit in cōelum, sicut dicit idem propheta & alij. Quod non conueniat deo in essentia siue in natura diuina, secundū quam nec resurgit, nec exaltatur, nec sedet, nec descendit. Ex his quae dicta sunt sequitur necessario, quod iam uenerit ille iustus, cuius naturae corporeae haec praedicta, et similia poterunt con-